



SAKSPAPIR

Saksnr	Utval	Type	Dato
80/2020	Kommunestyret	PS	27.10.2020

Sakshandsamar	Arkiv	ArkivsakID
Lin Tove Thomassen	FE-033	19/1345

INTERPELLASJON TIL KOMMUNESTYRET - AKSON

Nytt forslag til vedtak frå SV, foreslått av Kjartan Haugsnes,SV

Kommunestyret ber om at sak om Akson, felles journal for kommunale helse- og omsorgstenester, vert handsama på nytt i møte i Vaksdal kommunestyre før eventuell bindande avtale vert signert.

Kommunestyret - Sak 80/2020

KOM - Behandling:

Interpellanten fekk ordet først for å fremja interpellasjonen.

Etter at det er kome inn ny informasjon i saka om AKSON, fremja interpellanten nytt forslag til vedtak:

Kommunestyret ber om at sak om Akson, felles journal for kommunale helse- og omsorgstenester, vert handsama på nytt i møte i Vaksdal kommunestyre før eventuell bindande avtale vert signert.

Ordførar gav slikt svar:

Takk for interpellasjon. 23. juni gjorde kommunestyret eit intensjonsvedtak. Allereie då var uvissa om kostnadane ved dette felles journalsystemet store, noko som motiverte oss til å ta inn ein ekstra setning i vedtaket, ei oppmoding til staten om å ta meir enn 15,9 % av utgiftene. I sommar og i haust har det kome fram nye opplysningar i saka, som skildra i interpellasjonen. Brevet frå Bent Høie som ligg som referatsak i dag viser til at om lag 66% av kommunane utanom Midt-Norge har signert. Eg meiner kommunestyret må få ny sak til handsaming der nye opplysningar er tatt inn og vurdert før me forpliktar oss endeleg, slik at kommunestyret kan ta stilling til om me framleis, med ny kunnskap,

har dei samme intensjonane som i juni om å slutte oss til Akson.

Det vart opna for debatt.

Interpellanten trakk forslag til vedtak og det vart stemt over SV sitt framlegg til vedtak, som vart samrøystes vedteke.

KOM - Tilråding/Vedtak:

Kommunestyret ber om at sak om Akson, felles journal for kommunale helse- og omsorgstenester, vert handsama på nytt i møte i Vaksdal kommunestyre før eventuell bindande avtale vert signert.

Saksopplysningar:

Frå Kjartan Haugsnes, SV, ligg det føre slik interpellasjon:

AKSON

Kommunestyret i Vaksdal gjorde slikt vedtak i møte 23.06.20 , sak 43/20

Kommunestyret gir si tilslutning til arbeidet med felles journal for kommunale helse- og omsorgstenester og signerer intensjonserklæringa for Akson. Vaksdal kommune følgjer oppmodinga til Helseminister Bent Høie og signerer intensjonserklæringa. Vaksdal kommune oppmodar staten til å ta større del av kostnadane enn dei 15,9 % som skildra i styringsdokumentet.

Etter at vedtaket vart gjort er det kome ei rekke oppslag i media kring prosessen Akson, og kven som skal betale for nyvinninga.

Kostnadene for prosjektet er no kome opp i 22 milliardar. Hausten 2020 var planen til regjeringa at ny E-helse lov skulle vedtakast og at med denne skulle ein legge til rette for ei investering på 11 milliardar kroner. Det er no ikkje fleirtal for ny e-helselov og regjeringa krev ei ny kvalitetssikring av Akson – prosjektet, oppdatering av styringssystem og ein forpliktande avtale med kommunane før ein tar stilling til finansiering.

I statsbudsjettet for 2021 er det sett av 1340 millionar kroner til statleg del av Akson – over 10 år. Resterande midlar skal takast frå kommunane. Sit ein her med ei potensiell utgiftsbombe på 21 milliardar for kommune – Noreg?

Oslo kommune har allereie sagt nei og i fleire andre norske kommunar er det no debatt om saka. Formannskapet i Asker har til dømes gjort slikt vedtak:

«Asker kommune er bekymret for de økonomiske rammene som ligger i prosjektet. Asker kommune forutsetter at hovedansvaret for finansieringen er statlig, samt at staten bærer risikoen for eventuelle endringer i kostnadsoverslagene»

Det er knytt enorm usikkerheit til prosjektet Akson, finansieringa – om den i hovudsak skal gjerast av

kommunane vil få store følgjer for ein kommune som Vaksdal.

Spørsmål.

Vil ordføraren ta initiativ til at saka kjem opp i kommunestyret i Vaksdal på nytt slik at kommunestyret kan ta stilling til dei nye opplysingane som har kome fram i media og forslag til statsbudsjett 2021?

Forslag til vedtak.

Kommunestyret ber om at sak om Akson, felles journal for kommunale helse- og omsorgstenester, vert handsama på nytt i møte i Vaksdal kommunestyre i desember 2020.